

盜葉記

七八

桐菴藏

共三十五

青壯館全書



青莊館全書卷之六十

盛葉記目錄七

碩妃

彭祖述蔣處孟

塵刹

賀場論性

新羅山

沙吒忠義

元學校清寺廟

槐礫

大遼古今錄

青魚

石堅

瑚公

謚法纂

遼金元清字

禾豆一斗粒數

枳



浪姓異姓太姓

常世國

陸詡

孟仲子

○畫家顏色

○東方活字之始

張旅軒出處之義

造蓼

○華人記東事

脯

紫檀

袁陳格言

○高麗榜眼

○假廝兒

食戒

○不預建太子

二黃幹

○柳李言俗弊

○洪武會試錄

○西清古鑑

天下第一關

三韻通攷

招安梁山灤楊文

久邊國

郭震卿

流鬼儋羅

解鳥獸語

兄主

各省北極高度

古金石今始現

五衛從元制

輶軒

弓箭之制

大覺國師

青莊館全書卷之六十



青莊館全書卷之六十

完山 李德懋 懋官

著

盜葉記

七

男光葵 奉杲 編輯

碩妃

德水 李晚秀 蕙隣 校訂

元末明初選朝鮮女入宮元順帝第三妃奇氏改姓肅良哈氏名完者忽都高麗人摠郎散郎子教女明周憲王元宮詞杏臉桃腮弱柳腰那知福是禍根苗高麗妃子初封冊六月陰寒大雪飄張昱宮詞宮衣新尚高麗樣方領過腰半臂裁連夜內家爭借看爲曾看

過御前來周憲王又云竒氏家居鴨綠東盛
年纔得位中宮翰林昨日新裁詔三代蒙恩
爵祿崇白酒新菊進玉壺水亭深處暑全無君
王笑向竒妃問何似西涼打刺蘇昨朝進得高
麗女太半咸稱竒氏親最苦女官難派散總教
送作二宮嬪劉誠意巫山高刺竒后也庚申君
寵高麗竒妃立以為后專權植黨濁亂宮闈故
作巫山高以諷諫焉其畧曰山中妖狐老不死
化作婦女蓮花腮潛形譎跡托夢寐變幻涕淚
成瓊瑰楚妃難亦為竒后作又梁甫吟外間皇

甫聞豔妻馬角突兀連牝鷄亦為奇后而作司綵王

氏明宣德中女官宮詞。摘花移入大明宮。一樹凝香

倚晚風。贏得君王留步輦。玉簫吹徹月明中。靜志居

詩話宋龔元撰制歲貢高麗貢美女故張光弼輦下曲

宮衣新尚高麗撰云云楊廉夫宮詞北幸和林幄殿

寬勾麗女侍婕妤官君王自賦昭君曲勅賜琵琶馬

上彈明初相沿未改此孝陵有殞妃長陵有權妃也

權為高麗光祿卿永均女善吹簫宮中爭效之寧獻

王詩宮漏已沈參差到美人猶自學吹簫王司綵亦

云云皆為權貴妃作攷事撮要魚叔權撰永樂六年戊子

帝遣太監黃儼選女子以進工曹典書權執中女仁
寧府左司尹任添年女恭安府判官李文命女侍衛
司中領護軍呂貴真女中軍副司正崔得罪女預選
七年己丑又遣黃儼令更進好女選知宜州事鄭允
厚女以送光祿卿權永均赴京欽奉宣諭再來時休
打海上過只旱路上來永均權氏兄也十二年甲午
譯官元閔生於樓殿內欽奉聖諭自皇后崩逝後令
汝國權妃管六官事汝國呂氏請於高麗內官金得
金良借砒礪於銀匠和糊都桑即胡桃茶以與權妃毒死
朕已殺內官銀匠又用烙鐵烙呂氏一箇月殺了徐

說與權永均知道十五年丁酉元閔生回自京師奉
聖諭選宗簿副令黃河信女知淳昌郡事韓永疇女
與同黃儼等送進洪熙元年乙巳遣尚寶監少監金
滿賜祭權氏兄永均宣德二年丁未以帝勅選工曹
判書成達生女右軍同知摠制車指南女右軍司正
吳倜女右軍司正安復志女侍衛司右領護軍鄭孝
忠女中軍副司正崔瀾女左軍司直盧從得女同欽
差昌盛等送進三年戊申以帝勅選知淳昌郡事韓
永疇女同昌盛等送進宣德四年己酉帝遣少監金
滿賜祭于崔氏父得霏彤史拾遺

毛齡

奇撰

權妃者朝鮮

人永樂七年五月朝鮮貢女充掖庭妃隨象女入上
見妃色白而質復穠粹問其伎出所攜玉琯吹之竊
眇多遠音上大悅驟拔妃出衆女上逾月冊賢妃授
妃父永均為光祿卿八年十月妃侍上北征凱還而
疾至臨城曰不能復侍上矣遂薨上哀悼親賜祭謚
曰恭獻命厝其柩于澤縣勅縣官守之時朝鮮所貢
女其見具位號者復有任順妃李昭儀呂婕妤崔美
人四人皆命其父為京朝官順妃父添年為鴻臚寺
卿昭儀父文文下落健健字予父貴真為光祿少卿美人
父得霖霖即霏為鴻臚少卿其後永均以宣德洪熙

中卒訃聞上仰惟先澤遣中官賜祭賜其家白金二

百兩文帛表裡有次僊說李灝撰名臣錄云驪妃案妃號以

驪未知何意韓氏清州韓永疇之女永疇生二女俱膺明

朝之選妃兄確年十九太宗召赴京師寵遇殊等拜

光祿少卿我世宗受禪確為冊封正使以帝旨遂

留不還以副使劉泉復命後又赴召欲以仁宗之女

尚之辭以母老不果按李灝說宣德三年選知淳昌郡

事韓永疇之女送進宣宗乃太宗之孫而韓氏二女

俱為後宮可異也確是西原府院君其女又是我

章順王妃韓氏之尊崇如此弇州別集云永樂中權

貴妃任順妃李婕妤崔夫人

案妃號與毛氏所錄互有異同而無呂婕妤

皆朝鮮人權妃之父光祿卿永均等皆貴至列卿而

尚居本國云然永均乃貴妃之兄

案朱氏毛氏并州不知永均為妃兄

并州猶不及韓妃事則有未備而永均等不聞官光

祿卿亦必因西原事之誤傳也

案魚氏毛氏所錄俱言永均為光祿卿李

氏偶未之考也

德懋按此皆我國女子入中國大槩而碩氏

事尤奇異國人鮮有知之者今表出之字彙

梅膺碩

姓太常寺志明祖妃碩氏

案集韻音公擊石聲

靜志居詩話明

南都太廟嘉靖中為雷火所焚尚書湛若水請重建

而夏言阿世宗意請罷有旨并入奉先殿按長陵每

自稱曰朕高皇后第四子也然奉先廟制高后向南
諸妃盡東列西序惟碩妃一人具載南京太常寺志
蓋高后從未懷妊豈惟長陵卽懿文太子亦非后生
也世疑此事不寀誦沈大理詩斯明微矣明詩綜

輯沈玄華

字遜伯嘉興人嘉靖壬戌進士大理少卿

詩敬禮南都奉先殿

紀事微臣承祀事入廟歌鳧鷖高后配在天御幄神
所栖衆妃位東序一妃獨在西成祖重所生嬪德莫
教齊一見異千聞寀錄安可稽作詩述典故不以後
人迷彤史拾遺馬皇后生懿文太子標秦王棟晉王
桐成祖文皇帝周王橚寧國安慶兩公主初后生成

祖有龍見于寢嘗夢遇賊成祖以馬進扶后執輕賊
見成祖避去后以故鍾愛之及上厭太子柔弱后始
以夢告其後卒有靖難之功德懋按毛奇齡與修明
史則其所載錄可以取信然朱彝尊亦史官其所考
據的確可信高后未嘗懷妊必有所見况有太常寺
之志沈玄華之詠明白無疑乎博考萬姓統譜及戒
國氏族諸書元無碩字姓近世羅杰入燕京見博明
問碩妃事明曰卽故元元妃見明太常志云明蒙古
人元世祖之後也官主事博學多著輯工書有曰故
元元妃者亦有所據蓋庚申君與奇氏同入元亡後

爲太祖之妃而國史諱之或是貢姓而加以石翁歟
余見僊說有吳后事今附見女子入中國而尊貴者
如竒皇后權妃韓妃之類人皆知之如明宣宗吳皇
后鮮有識者吳氏鎮川人按攷事撮要宣德二年選
右軍司正吳憺女其進當是此人也始爲後宮生景
泰後景泰尊爲太后后思念本土以畫像歸之東國
旣無以處也乃置之僧舍樵牧侮玩至今尚存續通
攷云母丹徒人都督吳彥名女狀影還本國真有其
事此豈可誣者耶意者明史以外夷諱之耶或言后
父官至參判德懋按若如李氏說則景泰誕生戊申

見於明史吳侗女子丁未入選翌年生景泰然則仁宗之喪未終宣宗尚在諒闇中也

彭祖述蔣劇孟

破閒集

李仁老撰

學士彭祖述有貪書之癖高麗史蔣劇

孟德宗時爲尚書左僕射二人名可謂的對

塵刹

今俗疏章不用佛書而惟塵刹二字視若茶飯其意義雖好而安在其弗用佛書之義也願今得米成寶王還度如是恒沙衆將此深心奉塵刹是則名為報佛恩出於楞嚴經要解此等語用於詩及尺牘則可

也亦不可用於古文

賀場論性

中庸疏賀場論性最精故錄之其言曰性之與情猶波之與水靜時是水動則是波靜時是性動則是情左傳云天有六氣降而生五行至於含生之類皆感五行生矣唯人獨稟秀氣故禮運云人者五行之秀氣被色而生既有五常仁義禮智性因五常而有六情則性之與情似金與環印環印之用非金亦因金而有環印情之所用非性亦因性而有情則性者靜情者動故樂記云人生而靜天之性也感於物而動

性之欲也故詩序云情動於中是也但感五行在人
為五常得其清氣荀者則為聖人得其濁氣簡者則
為愚人降聖以下愚人以上所稟或多或少不可言
一故分為九等孔子云唯上行與下愚不移二者之
外逐物移矣故論語云性相近習相遠也亦據中人
七等也

新羅山

行程錄

許亢
泉撰

自同州四十里至肅州東望大山金人

云此新羅山其中產人蔘白附子與高勾驪接界案
同州肅州已是燕越而稱新羅山高驪界者既不並

浪許亢宗公然見欺

沙吒忠義

唐李嶠撰封右武威衛將軍沙吒忠義郾國公制曰
三韓舊族九種名家夙奉戎麾遂參文衛昔臨鴈塞
能羈縛馬之妖今拒狼河更煎奔鯨之孽勤功允著
誠効克宣宜酬矢石之勞用廣山河之賦可封郾國
公食邑三千戶此亦李懷玉王思禮之類而不可攷
其派係

元學校清寺廟

續文獻通攷

王圻撰

元順帝至元十五年張立道除忠

慶路總管先是雲南未知尊孔子祀王逸少爲先師
立道首建孔子廟二十三年大司農上諸路學校凡
二萬一百六十所二十六年置高麗國儒學提舉司
二十八年司業司上諸路學校凡二萬一千三百餘
至正七年韓鏞爲饒州路總管選俊秀入學求耆宿
爲五經師朔望幅巾深衣以謁先聖蠅菴瑣語王逋撰
康熙六年直隸各省巡撫造送冊內勅建大寺廟共
六千七十三處小寺廟共六千四百九處私建大寺
廟共八千四百五十八處小寺廟共五萬八千六百
八十二處僧共二十一萬二百九十二名道士共二

萬一千二百八十六名尼姑共八千六百一十五名
以上通共寺廟七萬九千六百二十二處僧道尼姑
共二十四萬一百九十三名元清俱以外國入中原
元之學校若是之盛而無救亂止清之寺廟若是之
多而亦享治平何也

稟唐混元六代天下觀
一千六百八十七所

槐砵

牧隱詩郎舍當年勢絕倫魚腥銅臭却熏身更呼小
吏書槐字六故無端續得新槐字攷字書無之或曰
木梯也又有詩曰長湍南畔砵城西砵字字書亦闕
攷砵城似是積城沿江皆石壁

稟姓譜有
砵城白氏

大遼古今錄

遼史曆象志曰高麗所志大遼古今錄稱統和十二年始頒正朔云此書今不可攷

青魚

我國青魚即鰮魚也嘗見醫書有青魚而形狀非我國青魚惟近世宋琬所記詳悉文亦藻雅今錄之安雅堂集

宋琬撰

青魚長不盈尺青脊赤腮立春後有之

肉香而鬆隨筋而脫骨磔磔如蝟毛軟不刺口雌者腹中有子長濶竟體嚼之有聲雄者白最佳初入市價頗昂既而傾筐不滿十錢海上人用以代飯謂之

青魚粥琬萊陽人所居與我國西海相連故魚產亦同閩中亦產青魚

石堅

清一統志石堅絳縣人永樂中官行人會高麗不庭抗疏請往平之上許之堅率騎往見高麗王宣布朝廷威德王笑曰子未知死所敢大言乎堅曰中朝當問罪興師王遂修朝貢以功擢按察僉事案永樂二十二年之間我國事大之誠中朝字小之恩可謂隆備使价來往歷歷可攷本無所謂石堅者不庭興師等語自歸於誣今聞改修一統志編選之臣若知此

事其所刪正亦不難矣一統志又曰端復初溧水人
洪武間刑部尚書子孝文孝思先後使朝鮮并著清
節朝鮮人為立雙清館洪武三十一年之間使价無
端復初建文三年辛巳我
宗元年太遣通政寺丞章謹文
淵閣待詔端禮賜誥命金印所謂復初即端禮之字
而親自使東一統志誤以其二子使東書之然則雙
清館自朕落空一統志又載曾魯字得之新淦人洪
武初授禮部主事常遇春薨高麗王遣使來祭黃帕
文不署洪武年號曾讓曰不書正朔君臣之義安在
使者謝易去案常遇春薨於洪武元年而二年高麗

恭愍王遣成準得等入貢此時致吊事或然也

瑚公

我國人遍遊中國者當以高麗僧瑚公為巨擘李益齋曰大禪師瑚公北觀京都南遊江浙二廣西遊四川甘肅雲代

謚法纂

明孫能傳撰謚法纂備載明朝賜我國謚自太祖以下稱朝鮮國王姓諱於定宗只稱朝鮮國權署

國事姓諱

諱日旁敬

遼金元清字

契丹國志

葉隆禮撰

阿保機服諸小國漢人教以隸書之

半增損之作文字數千以代刻木之約金史章宗紀

明昌五年以葉魯谷神始制女真字詔依倉頡立廟

例祠於上京書史會要

陶宗儀撰

太祖用契丹字命完顏

希尹撰本國字其後熙宗亦製女真字希尹所撰謂

之女真大字熙宗所撰謂之女真小字元史元初用

漢楷及畏吾字世祖中統元年命國師八思巴製蒙

古新字千餘其母凡四十有一以諧聲為宗石墨鐫

萃

趙鳴撰

蒙古字法皆梵天迦盧之變也與佛真言相

類重陽萬壽宮元碑皆以蒙古字書清一統志達海

姓覺

爾密氏

達海

詩註作庫爾禪

正藍旗人。生而神穎。九歲

通滿漢言。太祖使居內廷。司文翰。使正訂國書。用以

譯明會典。素書三略。諸書。天聰五年。征大凌河。使招

撫兵祖。大壽六年卒。年三十八。謚文成。清文鑑

撰人侯考

太祖始制十二字頭。共為一千五百餘字。對合成語。

無不畢備。今皇上又加欽定經史諸書。舉皆翻譯。布

之天下。滿洲字亦有篆楷行草法。滿洲十二字頭外。

又有太宗所製叶漢音之字。名曰外字。榕村韻書畧

例

李光地撰

國朝十二字頭之書。但以篇首五字使喉舌

脣展轉相切。而萬國聲音備焉。蓋於韻部以麻支微

契丹國志

葉隆禮撰

阿保機服諸小國漢人教以隸書之

半增損之作文字數千以代刻木之約金史章宗紀

明昌五年以葉魯谷神始制女真字詔依倉頡立廟

例祠於上京書史會要

陶宗儀撰

太祖用契丹字命完顏

希尹撰本國字其後熙宗亦製女真字希尹所撰謂

之女真大字熙宗所撰謂之女真小字元史元初用

漢楷及畏吾字世祖中統元年命國師八思巴製蒙

古新字千餘其母凡四十有一以諧聲為宗石墨鐫

萃

趙鳴撰

蒙古字法皆梵天迦盧之變也與佛真言相

類重陽萬壽宮元碑皆以蒙古字書清一統志達海

詩
卷
之
一
上

詩註作
庫爾禪

通滿漢言太祖使居內廷

齊歌魚虞為首於字母以影喻為首獨得天地之元聲故可以齊萬籟之不齊而有倫有要也從來為此學者部多首東等多首見蓋失其本矣

禾豆一斗粒數

禾一斗有五萬一千餘粒黍亦少此少許大豆一斗一萬五千餘粒見齊民要術注依此粒數貯器可推測古升斗

楸

韻會

黃公紹撰

楸音伏梁楸也正字通

張烈撰

以小木附大

木上為楸舊唐書裴延齡傳德宗謂延齡曰浴堂院

殿一枹似有損蠹我國以廳事大榱為輔木蓋枹也
案從華語而今示人枹字反茫然不省

浪姓異姓太姓

近日有浪處浩浪世龍異在豐俱登武科為邊將太
命詰為司謁皆僻姓也浪氏野人向化者之裔異氏
高麗史有異膺夫太氏渤海國大氏之後儒生課試
榜有公榮國亦奇姓也明有公鼐謚文介

常世國

日本紀

倭人所撰

垂仁帝九十年春命田道間守遣常世

國令求非時香果今謂橘者是也同九十九年春得

非時香果八竿八縵還來或書

倭人所撰

天皇既崩田道

間守向皇陵叫哭而死感其忠呼香果為田道間名
良安尚順曰常世國者新羅國田道間守者新羅國
王子天日槍之玄孫故遣之案新羅始稱徐耶伐一
作徐那伐一作徐羅伐南解王乙丑改鷄林基臨王
丁卯改新羅其間或稱斯羅或稱斯盧知證王癸未
始定為新羅其曰德業日新綱羅四方之義者傳會
之言何足取信大抵方言以新為什豆外新羅連國
是新剏之事故其稱國號許多名目皆取諸新之義
也至今稱國都俗訓為徐元京者遵故諺也惟鷄林

取鷄鳴始林之義日本之稱新羅為常世國者或曰
本之古音然歟抑亦新又有別自號歟

陸詡

陳書儒林傳陸詡少習崔靈思三禮義宗梁世百濟
國表求講禮博士詔令詡行還除給事中天嘉初侍
始興王伯茂讀遷尚書祠部郎中案梁武帝天監十
一年壬辰卽百濟武寧王十一年也是歲百濟遣使
朝梁則陸詡之行或在是歲及翌年也大抵百濟之
王號多取方言而聖王元年癸卯始制謚法上其父
王謚為武寧此後連有謚號曰聖王曰威德王曰惠

王曰法王曰武王皆陸詡講禮之效也其詳不可得而考可恨

孟仲子

孟仲子趙岐以為孟子之從昆弟孟子譜撰人仲子

名畢孟子之子也三遷志撰人孟子取田氏生仲子

畫家顏色

輟耕錄

陶宗儀撰

凡調合服飾器用顏色者緋紅用銀朱

紫花合桃紅用銀朱胭脂合玉紅用粉為主入胭脂

合栢綠用枝條綠入漆綠合黑綠用漆綠入螺青合

柳綠用枝條綠入槐花合官綠即枝條綠是鴨綠用

枝條綠入高漆合月下白用粉入京墨合鵝黃用粉
入槐花合柳黃用粉入三綠標并小藤黃合磚褐用
粉入烟合荊褐用粉入槐花螺青土黃檀子合鷹背
褐用粉入檀子烟墨土黃合銀褐用粉入藤黃合珠
子褐用粉入藤黃胭脂合藕絲褐用粉入螺青胭脂
合露褐用粉入少土黃檀子合茶褐用土黃為主入
漆綠烟墨槐花合麝香褐用土黃檀子入烟墨合檀
褐用土黃入紫花合山谷褐用粉入土黃標合枯竹
褐用粉土黃入檀子一點合湖水褐用粉入三綠合
蔥白褐用粉入三綠標合棠梨褐用粉入黃土銀朱

合秋茶褐用土黃入三綠槐花合玉色用粉入高三
綠合駝色用粉漆綠標墨入少土黃合氍子用粉土
黃檀子入墨一點合藍青用三青入高三綠合金黃
用槐花粉入胭脂粉合鴉青用蘇青襯環青罩鼠尾
褐用土黃粉入墨合不老紅用紫花銀朱合葡萄褐
用粉入三綠紫花合丁香褐用玉紅為主入少槐花
合杏花絨用粉螺青墨入檀子合氍綾用紫花底紫
粉搭花樣番皮用土黃銀朱合鹿胎用白粉底紫花
樣水獺氈用粉土黃合牙笏用好粉一點土黃粉凝
皂鞣用煙墨標柘木交倚用粉檀子黃煙墨合金絲

柘同上不入墨紫袍用三青胭脂合其餘一一不能
備載在對物用色可也凡合用顏色細色頭青二青
三青深中青淺中青螺青與蘇青二綠三綠花葉綠
枝條綠南綠油綠漆綠黃丹飛丹三硃土硃銀硃枝
紅紫花藤黃槐花削粉石榴顆綿胭脂檀子用銀朱
淺入老墨胭脂合芥子園畫傳王撰石青只宜用所
謂梅花片一種以其形似故名研就時傾入磁盞略
加清水攪勻將上面粉者撇起謂之油子用着人衣
眼中間一層是好青用畫正面青綠山水着底一層
用以嵌點夾葉及襯絹背是謂頭青二青三青石綠

用鍛鑊背者佳亦水飛作三種頭綠二綠三綠亦如
用石青法朱砂用箭頭者良次則芙蓉塊研細用極
清膠水同清水入盞內少傾將上面黃色者撇一處
曰朱標着人衣服用中間紅者是好砂又撇一處用
畫楓葉欄楯寺觀最下色麤者人物家或用之銀朱
無朱砂當以銀朱代之亦必用標朱帶黃色者水飛
用之珊瑚末唐畫中有一種紅色歷久不變此珊瑚
屑也宣和內府印色亦多用此雄黃揀上號通明鷄
冠黃水飛之法與硃砂同用畫黃葉與人衣但金上
忌用即燒成慘色石黃妮古錄載石黃用水一碗簾

片覆碗炭火煨之待紅如火置地上以碗覆之候冷
細研調作松皮及紅葉用之乳金先以素盞抹膠水
將枯徹金箔以手指蘸膠粘入用第二指團團摩搗
待乾粘碟上再將清水滴許搗開屢乾屢解再用清
水指上碟上一一洗淨置碟中微火溫之少頃金沈
將上黑色水盡行傾出晒乾碟內好金臨用時加清
膠水調之又法將肥皂核內剝出白肉鎔化作膠似
更輕清傅粉古人率用蛤粉以蛤蚌殼煨過水飛用
之今畫家既用鉛粉以手指乳細蘸清膠水於碟心
摩擦待乾又蘸膠水如此十數次搓成餅子晒乾用

時滾水洗下再清清滴膠水數點撒上面者用下則
拭去調脂須用福建胭脂以少許滾水略浸將兩筆
管如染坊絞布法絞出濃汁溫水頓乾用之藤黃郭
義恭廣志謂岳鄂等州崖間海藤花蕊敗落石上曰
沙黃就樹採擷曰蠟黃周達觀真臘記云黃乃樹脂
番人以刀斫樹枝滴下次年收之其說雖與郭異然
亦皆言艸木花與汁也味酸有毒蛀牙貼之卽落舐
之舌麻一種如筆管者最妙畫樹以藤黃水入墨內
畫枝幹便覺蒼潤靛花凡靛花四兩乳之必須人力
一日始浮出光彩再加清膠水洗淨杵鉢傾入巨盞

澄之將上面細者撇起蓋底黑者棄去將撇起者置烈日中一日晒乾凡製他色四時皆可獨靛花必俟三伏而畫中亦惟此色用處最多艸綠凡靛花六分
和藤黃四分卽為老綠靛花三分和藤黃七分卽為嫩綠赭石水研細如泥後以清膠水飛之取上層底下所澄色慘者棄之赭黃色藤黃加以赭石用染秋深樹木葉色蒼黃自與春初之嫩葉有別如著秋景中山腰之平坡艸間之細路亦當用此色老紅色著樹葉中丹楓鮮明烏桕冷豔則當純用硃砂如柿栗諸夾葉須用老紅色當于銀硃中加赭石著之蒼綠

色初霜木葉綠欲變黃有一種蒼老黯淡之色艸綠
中加赭石用之秋初之石坡土逕亦用此色和墨樹
木之陰處山石之凹處俱宜加墨則層次分明有遠
近向背矣若欲樹石蒼潤諸色盡可加以墨汁自有
一層陰森之氣浮于丘壑間但硃色只宜淡着不宜
和墨

東方活字之始

活字始於 太宗三年癸未 命置鑄字所出內府
銅為字案金祇大明律跋曰大明律科條輕重各有
攸當 聖上思欲頒布中外然其使字人人未易曉

况三韓時薛聰所製方言文字謂之吏道土俗習未能遽革宜將是書讀之以吏道政丞平壤伯趙浚命檢校中樞院高士聚與予屬其事詳究反復逐字直解予二人草創於前三峯鄭先生道傳工曹典書唐誠潤色於後功告訖付書籍院以白州知事徐贊所造刻字印出頒行時洪武乙亥詳究此文始知活字非創於太宗朝也徐贊所造刻字云者卽木活字無乃贊創造歟或自麗朝有此法而贊之所造又是新樣歟鑄銅之制始起於太宗朝歟印大明律乙亥之歲已先於鑄字癸未之歲九年矣金祗驛尚友

堂似是鄭道傳之門生也乙亥距道傳被誅才六年而頒行其編閱之書可想當時法網之太疎也

張旅軒出處之義

張旅軒門人問出處之義旅軒曰學而優則仕有禮意則仕家貧親老則仕不仕有二耻欲潔其身亂大倫一耻也欲假其名索其價二耻也

造蓼

偶見或人冊葉間錄造蓼法其下書曰出智異山隱者方書海防風一斤去蘆頭去皮長流水浸三日一日三換水始入下藥煎汁曬至乾而用何首烏括去

麋皮冷水浸三日一日三換水薄切用雄黑大豈一
升水二升同煎至半乾出曬地骨皮刮去麋皮生薑
自然汁浸一日曬各五兩黃芪去皮蜜水浸一日曬
白朮酒浸三日去皮臍薄切薑汁浸湯去鹽味為度
甘草生去皮各一兩右六料如右法製後始入水三
斗於瓦鼎內煮至六升許去滓因入海防風淨大者
浸而出曬以汁盡為限甚堅案以油紙包裹常置之
于溫暖處

華人記東事

唐藝文志載奉使高麗記一卷名高麗風俗一卷

裴

撰新羅國記一卷顧懌撰大曆中歸渤海國記三

卷張建封撰通志藝文畧鄭樵撰載渤海行年記十卷僧顏

是五代人馬端臨撰文獻通考載鷄林類事三卷陳氏曰不鷄

林志三十卷晁氏曰皇朝崇寧中王雲編次劉達吳

見之禮聘問之辭類分為八門陳氏曰自海外事程

廣記三卷陳氏曰南唐如京使章僚撰使高麗所記

作序稱己未十月蓋高麗圖經四十卷陳氏曰奉議

本朝開國前一年也高麗圖經四十卷即徐兢明叔

撰宣和六年路允迪傳墨卿使高麗兢為之屬歸上

此書圖其形事為之說今所刊不復有圖矣兢錄之

後善篆書亦能畫嘗自題保大騎省也玉海王應麟撰載

家宣和書學博士又自書自信居士鷄林志二十卷崇寧中吳玆使高麗撰載鷄林志三

十卷

王雲撰其類有八自高麗事類至海東備檢雲

州人舉進士

從吳拭使高麗○案宋史王雲傳雲字子飛澤

風朝制

方言附口海東三國史記五十卷淳熙元年

閣○案

玉海進士沈志上海東三國史記五十卷高麗金富軾

海東三國史記

三國史記本自一書錯認海東三國

史所撰也

海東三國通曆十二卷高麗高得相撰繫

明藝文志

載朝鮮復國經畧六卷宋應昌撰朝鮮征倭紀

略一卷

蕭應官撰朝鮮紀事一卷倪謙撰奉使錄一卷缺缺

朝鮮雜志三卷

錢溥撰使朝鮮錄三卷龔用卿撰寧都先賢

傳

魏禮撰載使東日錄董越字尚鉅成化進士翰林院

賜麒麟服頒朔朝鮮覬贈一無所受朝鮮歲使至必
問起居以南京工部尚書平謚文僊著圭峯文集使
錄東日列朝詩輯錢謙益撰載高麗世紀一卷會稽吳明濟子魚朝鮮詩選序云云明濟又撰高麗世紀一卷載朝鮮事最詳

脯

僊說

李漢撰

士虞禮四簋四豆之外有載四豆鄭註云

博異味也載切肉也此類今俗設肝炙之南謂之肝

南案炙有魚肉許多名色何必拈出肝炙而曰肝南

也齊民要術脯字註脯炙也肝南或是脯字之偶同

而譌而為南耶

紫檀

丹鉛錄

揚慎撰

引嵇含艸木狀云蒟緣子浸以蓬窠點

以燕檀所謂燕檀蓋以燕脂合檀木也紫檀木出交趾性堅新者色紅以水濕浸之色能染物又画家合色有檀子用銀朱淺入老黑燕脂合之故曰燕檀俗曰紫檀色訛爲紫棠也案紫檀似是蘇木俗名丹木不必單指色赤而名曰丹木亦應檀與丹同音而非香木之紫檀也

袁陳格言

世範

袁采撰

曰人之性行雖有所短必有所長與人交

遊若常見其短而不見其長則時日不可同處若常

念其長而不顧其短雖終身與之交遊可也長者言

陳繼儒撰

曰一味見人不是則兄弟朋友妻子以及于僮

僕鷄犬到處可憎終日落嗔火坑塹中如何得出頭
地故云每事自反真一貼清涼散也此二則不欲其
阿其所好溺愛不明也可為醫俗之良劑護身之靈
符予聖者可以書紳自好者可以銘座

高麗楊眼

近世李厚菴萬運輯高麗楊眼一卷有曰起光宗九
年戊午迄恭讓王四年壬申凡四百三十五年之間
得全楊十七共五百四十四人散楊二百五十共四

百六十五人補榜共一百五十一人應舉試十榜共三十二人文臣重試三榜共十人侍學選侍五榜共七人進士魁一百三十五人十韻魁六十五人生員魁三十七人都合一千四百四十六人內疊入凡七十九人以計則案一千三百六十七人

假廝兒

金史后妃傳海陵時凡諸妃位皆以侍女服男子衣冠號假廝兒我國方言稱男子為斯那海蓋斯者猶新也如新羅稱斯盧也陽城李氏祖先有以那海為名者慶尚道稱女人為假斯那海金人與我國接界

方言或有相同者假廝兒與假斯耶海其為音訓或相近也

食戒

余食貧且食量甚窄又性本寒儉而稟質脆薄每欲知足而惜福節食而攝生嘗愛涪翁食時五觀星湖隱說所論今錄之五觀曰一曰計功多少量彼來處此食墾植收穫舂磨陶冶炊煮乃成用功甚多何況殺害生靈為己滋味一人之食十人作勞家居即食父母心力所營繼是己財亦承餘蔭仕宦則食民之膏血大不可言二曰忖己德行全缺應供始于事親

中于事君終于立身全此三者應受供養無愧缺則
已否當愧耻不敢盡味三曰防心謂過貪等謂宗於
上味食務遠物而求難得是之為貪於下味起恚怒
以口腹之故鞭扑人是之謂嗔食不過充飢而求食
前方丈是之謂痴君子食無求飽離此過也四曰正
事良藥為療形苦五穀五蔬以養人魚肉以養老形
苦者飢渴為主病四百四病為客病故復食為醫藥
以自扶持是故知足者舉箸常如服藥五曰為成道
德方受此食君子無終食之間違仁先結軟狀然後
受食既食不可急于道業僊說曰財莫於穀粟一日

下有字似乎

兩孟飯有口皆吃未必皆其勤力所出故財常患乎
乏絕手不勤而口無饜餽蟲獸何別古之君子坐而論
道作而行之是則與勤力出粟者均其功余性喜書
終日呻吟省其糧不多食為第一良策夫一孟而省
其一合之米一日兩孟則二合矣一家十口則二升
矣一郡萬家則積有二千斗之多况一口之費不止
一合之少耶又况一人終歲之食積至許多其所費
龠合皆可惜也我國人務多食天下為最近有漂有
琉球者其民笑之曰爾俗常用大椀鑰匙抄飯健食
如何不貧盖前已漂到諳悉者也余嘗觀邊海人一

口之食可分三人而無飢國安得不寔幼而習飽腸
肚漸寬不克則覺飢漸習漸飢有餓死者矣習而有
寬則必有習而窄者於是有絕穀不食者山野禽獸
冰凍雪積而能不死習之所致也縱不能恒飢豈無
減其太過之理飢而難忍心也非特腹為之也山僧
蔬菜而不瘠或孝子斷肉多病者嗜欲病之也由是
觀之今人之不忍飢心之未定也兵戈既遠安逸成
習故也國俗謂午飯為點心點心字出於禮書晨羞
之稱注謂小食點心也今人早起白粥謂之早飯當
午頓食謂之點心富貴之家日日七食酒肉淋漓珍

異相高一人之費可食百人何曾之驕逸家家皆然
民安得不困余謂事之效速莫有如忍飢不食一飢
二飢未必生疾一升二升隨飢米羨也與未忍少飢
而米絕先病者知愚何如也

案言言切寡但一飢二飢云云雖出節食之美

意不可責之人人
恐或啓纖吝之弊

不預建太子

清制不預建太子嘗密書諸子中屬意者名字藏于
乾清宮臨崩顧命大臣啓視之而立之此法蓋與波
斯國俗同周書異城傳波斯國古條支國也王即位
以後擇諸子內賢者密書其名封之於庫諸子及大

臣皆莫之知也王死衆共發書視之其封內有名者
卽立以為王餘子各出就邇任兄弟不相見也

二黃幹

清一統志黃幹字尚質長溪人師朱子著術甚富饒
曾幼從幹遊官至直學士與三山黃幹別為一人

柳李言俗弊

磻溪柳氏曰我祖宗家法最正比前代深仁厚澤
在人者深而大典定時未免有因苟成法者制地則
稅輕而貢重制人則先門閥而後材局取人則先詞
藝而後案德用人則循資格而略功績加以促官任

之遷碎兵政之寄錮庶出之子廣奴婢之門其大體
如此故其條理排置皆從此推去法成既久則俗因
而習此所以中間雖有願治之賢建白之議而不得
有為也以至今日百弊俱極民理竭矣國家必欲更
張宿弊必須從本變通乃可救此○星湖李氏曰州
鬱則腐木鬱則蝨人鬱則病國鬱則百慝並起古今
詩人咏閨情宮怨極多居室之樂人皆有之或獨守
空房或幽閉終身其怨恨當如何哉此皆士不遇之
標準也今世之人鬱可數其俗賤才賢能必退其風
尚閥有庶孽中路之別百世而不通名宦又西北三

道枳塞已三百餘年奴婢法嚴子孫不齒平人域中
愁鬱十分居九又至今日黨論公行三朋五儔各成
部曲苟一得志餘悉屏逐天地何以變化艸木所以
不蕃也野人云艸木漸減木圍不大是固其證也但
恨無決其鬱者

洪武會試錄

荷谷朝天錄

許歲撰

曰明登科錄三卷洪武四年吳伯

宗榜丙科

第四人

金濤名下注高麗延安縣人魏叔

子集

魏禧撰

洪武四年會試錄記曰嗚呼此洪武四年

會試錄國家養士三百年所自始也不四十年有遜

國之變忠臣義士趨死如歸其後雖以靖難之變夷
議禮之誅斥逆奄之摧折而甲申以還天下搢紳之
士窮岩艸衣捐身立節以自獻於先王者不可勝數
謂非聖祖養士之報其能然哉按考試官四人詹同
宋濂原本其一則前貢士鮑恂也以元貢士儼然與
本朝學士并列考官而兵部主事許方僅主彌封翰
林編修唐肅主對讀意當時恂有文名徵授學士不
就故特命同主試事而不可以加於郎官史臣為嫌
耶其題先五經次四書疑共二首為第一場論詔表
各一為第二場策一為第三場是科中式者一百二

十人九十七名金濤則高麗人也聖祖用人之無方

取士之法并見於此攷事撮要魚叔權撰洪武三年帝遣

侍儀舍人卜謙頒科舉程式中書省移咨令本國鄉

試中選舉人出給公據赴京會試遣鄉試舉人朴棠

金濤柳伯濡等赴京會試四年金濤中第三甲賜同

進士出身除授東昌府丘縣丞以不能中國語願回

本國朴棠柳伯濡下第亦願回國禮部奉聖旨與盤

纏俱著回去梁金濤字長源號蘿菴山人恭愍王壬寅登科辛禍己未坐楊伯淵被害官密

直提學六年遣鄉試舉人金潛宋文中曹信等赴京會

試在海值風金潛曹信賀正倍臣周英贊等俱渰死

再遣宋文中赴會試七年禮部以宋文中不及試期
奏奉聖旨免他再試發回本國擢用

案洪武七年金義授明使蔡斌

奔于北元後因停朝鮮人赴試

西清古鑑

今皇帝集古董纂西清古鑑以高祖辛盍為最古又
收藏古書纂天祿琳琅以宋槧前漢書為冠初為趙
孟頫所藏入明則自陸顧兩家輾轉流傳歸之王世
貞趙與王皆於卷前自畫其像王并有跋

天下第一關

山海關門額揭天下第一關東國人稱為秦李斯筆

此齊東之見也不惟李斯不習楷字且山海關明初
中山王徐達所拓而改築者也問門額所書者于中
原人則以為蕭顯所書而不識顯為何許人嘗攷徐
四佳集有曰用蕭進士山海關登樓詩韻註曰廣寧
道中遇遼東丘生信宿同行間以進士蕭顯秋日登
樓詩見示又求余見和有客乘輶來望闕何人衣錦
此還鄉此四佳句也註曰蕭進士有榮還衣錦之句此天順庚辰徐公使
中原時所作而蕭顯係是遼東人則書山海關額斷
然無疑

三韻通攷

今世所行三韻通攷以平上去分三格作橫者若年

表世譜附入聲于後分註二字無過三字總九十七

百三十二字金承旨濟謙增千七百九十八字通用

科場為便要切近之書但不能的知為何人所撰是

峯類說李時三韻通攷出於倭國而便於攷閱故今

用之僊說李潤日本雖居海島典籍皆具北海字義

三韻通攷我國從倭得之案是峯則似以為倭人所撰而僊說所論有若我國

本有者中間失之復從倭得之然蓋未詳其來歷也番溪雜識今之三韻通攷

乃江左沈約所定或失正音故洪武正韻有所不從

案此說則通攷之行在正韻之先抑或有所而正韻所案此書不見於中國書

目無由知其緣起

國朝寶鑑

世祖五年禮曹啓

曰訓民正音 先王御製之書東國正韻洪武正韻
皆 先王撰定之書吏文又功於事大請自今文科
初場試講三書依四書五經例給分終場並試吏文
依對策例給分從之筆苑雜記徐居正撰戒 英廟命儒
臣分局撰次高麗史治平要覽兵要韻書五禮儀經
書音解同時撰修皆經 睿裁書成一日 御覽教
十卷德懋以為寶鑑雜記所載二則似是今三韻通
攷日本亦得刊行又轉至于我國歟以俟更考

招安梁山灤楊文

居易錄

王士禎著

載宋忠文公叔夜招安梁山灤楊文云

有赤心為國不避凶鋒拏獲宋江者賞錢萬萬貫雙

執花紅拏獲李進義者賞錢百萬貫雙花紅拏獲關

勝呼延綽柴進武松張清等者賞錢十萬貫花紅拏

獲董平李進者賞錢五萬貫有差今葉子闕戲有萬

萬貫千萬貫百萬貫花紅遞降降等采用叔夜楊文

中語也又傳中方臘賊黨呂師囊台州仙居人亦非

杜撰但賊所陷乃杭睦歙處衢婺六州耳詳泊宅編

又七修類稿言錄鬼簿元汴梁鍾繼先作載宋元傳

記之名而於此傳之事尤多癸辛雜識

周密

載龍堊聖

與作宋江等三十六贊并序曰宋江事見於街談巷
語不足采著雖有高如李嵩輩傳寫士大夫亦不見
黜余年少時壯其人欲存之畫贊以未見信書載事
案不敢輕為及異時見東都事畧中載侍郎侯蒙傳
有書一篇陳制賊之計云宋江以三十六人橫行河
朔京東官軍數萬無敢抗者其材必有過人不若赦
過招降使討方臘以此自贖或可平東南之亂余然
後知江輩真有聞於時者於是即三十六人人為一
贊而箴體在焉蓋其本撥矣將使一歸於正義勇不
相戾此詩人忠厚之心也余嘗以江之所為雖不得

自齒然其識性超卓有過人者立號既不僭侈名稱
儼然猶循軌轍雖托之記載可也古稱柳盜跖為盜
賊之聖以其守壹至於極處能出類而拔萃若江者
其殆庶幾乎雖然彼跖與江與之盜名而不辭躬履
盜跡而無諱者也豈若世之亂臣賊子畏影而自走
所為近在一身而其禍未嘗不流四海嗚呼與其逢

聖公之徒孰若跖與江也呼保義宋江

案贊詞無甚
奇異故今闕

智多星吳學究王麒麟盧俊義大刀關勝活閻羅阮
小七尺八腿劉唐沒羽箭張清浪子燕青病尉遲孫
立浪裡白跳張順船大兒張橫短命二郎阮小二花

和尚魯智深行者武松鐵鞭呼延綽混江龍李俊九
紋龍史進小李廣花榮霹靂火秦明黑旋風李逵小
旋風柴進插翅虎雷橫神行太保戴宗急先鋒索超
五地太歲阮小五青面獸楊志賽關索楊雄一直撞
董平兩頭蛇解珍美髯公朱仝沒遮攔穆橫拚命三
郎石秀雙尾鯢解寶鐵天王晁蓋金槍班徐寧撲天鵬
李應此皆羣盜之靡耳聖與旣各為之贊又從而序
論之何哉太史公序遊俠而進姦雄不免異世之譏
然其首著勝廣於列傳且為項籍作本紀其意亦深
矣識者當自能辨之云華不注山人戲書湖孺雜記

智脫渡字

陸次雲撰載武林六和塔下舊有魯智像云云案此錄前

三才圖會

王所撰

載徐寧鉤鏃槍云云案此錄前

史侯蒙張叔夜傳俱載宋江事又有諸家所記若是明白但榜文及贊序所載與水滸傳姓名稱號互有不同所謂三十六天罡真有之而七十二地煞迺作者傳會耳作者因當時討盜文字敷衍撰次其詳見於莊岳委譚

久遼國

國朝寶鑑 成宗十三年閏八月久遼國主李獲遣使獻土宜久遼前因日本薩州人來通聘問至是復

遣使獻燒香胡椒鑽銀絹瀹具瀘素等物上書願得
大藏佛經曰貴國之廣大聖德之無窮量齊天地臣
雖不肖吾民卽陛下之民也以遠近莫恪生民之殖
福俯賜一藏以契佛之遺漏百拜頓首云云 命優
禮送之佛經以無有謝不遣案歷攷東南海外諸國
無所謂久邉國者此時倭人狡獪杜撰國名及王姓
名土貢名打扮一使人乃敢誣我國嘗試之以求大
藏佛經而當時謀國者見欺而不能明辨而痛斥之
蓋李氏卽我國姓外視附托自稱李氏而我國大藏
倭所以嘗津津垂涎而不得故設此此詐謀以要之

終未覺得惜哉其所謂溘字攷之倭字無有也謀國者不可不詳知海外諸國西北諸沿革年代方域道里風俗物產以應不測之變也

郭震卿

義兵將郭震卿卽僧而還俗者也 仁祖大王賜都摠攝義嚴和尚詩曰直將忠義酬明主莫向烟霞棲碧山原註壬辰義兵將後還俗卽郭震卿官至同樞案震卿與明末申甫事同而震卿削髮時為將甫加帽後登壇此則不同

流鬼儋羅

草似草

新唐書流鬼在黑水靺鞨東北其傳中附儋羅達末
婁達姁有曰龍朔初有儋羅者其王儒李都羅遣使
入朝國居新羅武州南島上俗朴陋衣大豕皮夏居
草屋冬窟室地生五穀耕不知用牛以鐵齒耙上似
論初附百濟麟德中酋長來朝從帝至太山後附新
羅開元十一年又有達末婁達姁二部首領朝貢達
末婁自言北扶餘之裔高麗滅其國遣人度那河因
居之或曰他漏河東北流入黑水達姁室韋種也在
那河陰凍末河之東西接東頭室韋東北距達末婁
云案儋羅卽耽羅也其曰新羅武州即今全州當時

九州之一也達末婁達姤二部即室韋之種而與僭
羅同傳失其類從也

解鳥獸語

宛委餘編王世貞撰解獸語者介葛盧見左傳解鳥語者公

冶長見衡波傳侯瑾字子瑜見泉錄又廣漢楊翁仲解馬

語見衡論李南亦解馬語見抱朴子詹何得牛鳴知牛黑而

白在角見韓非子廷尉沈僧照聽南山彪嘯云國有邊事

當選人丁見梁典王氏亦未盡錄錄今補記唐僧隆多

羅白龜年俱通鳥獸語成子楊宣皆通雀語太原王

氏祭廁神聞蟻言見五雜俎成武丁漢時臨武人為縣小

吏至長沙遇異人授以藥遂通鳥獸言語後乘白驃
仙去元時夢宗雲南通安州人吐蕃白蠻諸種書契
無不通曉旁及鳴禽亦解其語見清一統志遼太祖鐸骨
札以本帳下蛇鳴命知蛇語人神速姑解之言蛇謂
穴旁有金因得金以帶見遼史

兄主

我國俗凡尊者稱主靈寃記註

中叔舟撰

河崙矯傳

恭定大王令旨於撫安兄弟期會于後苑撫安兄弟
出外垣問曰兄主何在因云而知國初已有兄主之
言則亦應勝國時言也

各省北極高度

京師三十九度五十五分盛京四十一度五十一分
山西三十七度五十四分朝鮮三十七度三十九分
山東三十六度四十五分河南三十四度五十二分
陝西三十四度十有六分江南三十二度四分四川
三十度四十一分湖廣三十度三十五分浙江三十
度十有八分江西二十八度三十七分貴州二十六
度三十分福建二十六度二分廣西二十五度十有
三分雲南二十五度六分廣東二十三度十分○四
裔志鄭厚撰白頭山在甲山府北三百八十里北極出

地四十二度弱漢城府偏西一度強凡量地之法以
南北極之出入地宜南北月蝕及節紀之差定東西
地面直線行二百里在天差一度南北有定所東西
無定位故以繪地者之所居為中線從東徃西測天
而計地之差度假如以北京為中線則漢城府在偏
東十二度漢城府為中線則北京在偏西十二度之
類是也

古金石今始現

近世陽湖洪亮吉金石記後序曰尚書弇山先生成
關中金石記奉命調撫河南復有中州金石之著近

者圓石出洛陽而知王伯輿為祔墓殘本藏太廟而知棠谿典字伯并昨馮戶部敏昌遊王屋之山于懷縣得司馬昇墓志銘武進士億行輦洛之野于董家村得姜纂造像記求之昔人皆未著錄

五衛從元制

元史兵志世祖時內立五衛以摠宿衛諸軍衛設親軍都指揮使外則萬戶之下置摠管千戶之下置摠把百戶之下置彈壓立樞密院以摠之遇方面有警則置行樞密院事已則廢而缺都鎮撫司屬行省萬戶千戶百戶分上中下萬戶佩金虎符案高麗軍制

槩從胡元而我朝五衛及鎮撫所之名亦元之舊制也

輶軒

中宗三十九年正言閔起文曰宰相乘軒皆張黑傘遠望之如東宮青繖殊未安上曰古制年老然後乘軒今也雖年少者位二品則便乘軒甚不可領事尹殷輔曰中朝雖騎馬者皆立青蓋知事成世昌曰在世宗朝議輶軒制度一依梁制軒上立青蓋以遮日為老病宰相難曝酷炎也案青蓋立軒之制未知何時廢之而軒既無屋則不可無蓋自古有車必

者圓石出洛陽而知王伯輿為祔墓殘本藏太廟而知棠谿典字伯并昨馮戶部敏昌遊王屋之山于懷縣得司馬昇墓志銘武進士億行鞏洛之野于董家村得姜纂造像記求之昔人皆未著錄

五衛從元制

元史兵志世祖時內立五衛以摠宿衛諸軍衛設親軍都指揮使外則萬戶之下置摠管千戶之下置摠把百戶之下置彈壓立樞密院以摠之遇方面有警則置行樞密院事已則廢而缺都鎮撫司屬行省萬戶千戶百戶分上中下萬戶佩金虎符案高麗軍制

欠山

遠望之

乘軒今

尹殷輔

在世

有蓋今之乘軒者復舊制可也古者乘軒者往往嚼
舌金自點始於長轅上立短柱雖疾驅晏如也

弓箭之制

清會典載弓箭之制弓胎用榆木或櫟木南方或削
巨竹為之取材之法視竹木之理平正端直張而不
皴胎長三尺七寸其面傅以牛角背加以筋膠外飭
樺皮胎一而角兩接接處用鹿角一塊固以筋膠加
煖木皮於外曰弓靶兩梢以桑木為之各長六寸三
分環以牛角刻鏤其末以受弦軀梢與胎闌筍相接
處先削一面以鹿角為方釘於角端曰蟄弦弓弦有

二一曰纏弦用蠶絲二十餘莖為骨外用絲線橫纏以末之纏絲分三節隔七寸許空一二分不纏則不張弓時可摺疊收之一曰皮弦剪鹿皮為之用於戰陣弓力強弱視胎面厚薄筋膠輕重為斷一力至三力用筋八兩膠五兩四力至六力用筋十四兩膠七兩七力至九力用筋十八兩膠九兩十力至十二力用筋一斤十兩膠十兩十三力至十五力用筋二斤膠十二兩十六力至十八力用筋二斤六兩膠十四兩箭筈以楊木柳木樺木為質取圓直之杆削成之別用數寸之木刻槽一道曰箭端箭筈必取乾於端

以均停其首尾刻銜口以駕弦曰括其端受鏃凡鏃
冶鐵為之曰鈇箭曰梅針皆戰箭施於教閱者曰髀
箭以寸木空中鏃眼為竅次發則受風而鳴又謂之
響箭鐵鏃上加骨角小哨者曰鳴鏃黏羽翎於箭括
曰箭羽青鶴翎蟬翎鷗翎鸛翎鵞翎芝麻翎鴈
翎皆箭羽也我國六鎮人交市時買角弓沈於水二
十日始解蓋我弓短彼弓長故取其角改制而其製
作之堅緻可推而知也我弓天陰則角與膠不親將
何用之且彼之弓之幹弦箭之筈羽取料甚廣皆可
法也乾隆三十三年奉旨步射大侯以八十步為則

太遠善射之人多致遺棄嗣後改為五十步以二矢為合式蓋步近則矢力專而發必中我國尚遠射非計之得也

大覺國師

高麗史宗室傳文宗第四子大覺國師煦字義天避宋哲宗諱以字行文宗一日謂諸子曰孰能為僧作福田利益煦起曰臣有出世志王曰善遂出居靈通寺性聰慧嗜學始業肇嚴便通五教旁涉儒術號祐世僧統欲入宋求法王不許至宣宗時數請宰臣極言不可二年四月煦潛與弟子二人隨宋商林寧船

而去王命御史魏繼廷等分道乘船追之不及遣禮
賓丞鄭僅問過海安否煦至宋帝引見垂拱殿待以
客禮寵數渥縟煦請遊方問法詔以主客員外郎楊
傑為館伴至吳中諸寺皆迎餞如王臣王上表乞令
還國詔許東還煦至禮成江王奉太后出奉恩寺以
迎煦獻釋典及經書一千卷又於興王寺奏置教藏
都監購書於遼宋多至四千卷悉皆刊行始創天台
宗置于國清寺已而南遊遍歷名山後退居海印寺
肅宗卽位遣使迎還住持興王寺遼使王萼見興王
小鐘歎美曰戒朝所未有煦謂萼曰吾聞皇帝崇信

佛法請以此獻。萼曰：可。照請鑄金鐘二簠，將獻于遼。帝遂屬回謝使李復先奏其意。遼帝以萼妄有求索，加峻刑，令勿獻。及復還，刑部奏治其罪。照卒，冊贈大覺國師。案義天，即宣宗肅宗之弟。而宣宗二年乙丑，即宋神宗元豐八年。遼道宗大安元年也。海印寺藏經版古志以為新羅哀莊王丁卯雕造云。而哀莊王在位十年，元無丁卯歲。蓋高麗宣宗四年丁卯，義天雕造經版，而謠傳為哀莊丁卯歟。義天退居海印寺，則藏版于寺中，亦未為不可。余遊海印寺，試拈世祖朝所印經二冊，下方一刻癸卯歲大藏都監奉勅。

雕造一刻甲辰歲又寺僧別有所記曰戊申年高麗
國大藏都監奉勅雕造義天刊行為五千餘卷今藏
元數為六千五百二十九卷厥數不同者癸卯以來
連歲補刻義天所未刻一千五百餘卷歟但未知癸
卯等歲的指為何朝若使余盡閱經版則可知其緣
起而不可得也○湖孺雜記

陸次雲著

高麗寺者宋神宗

時國王嘗祈嗣於佛得一子晝夜啼惟聞木魚聲則
暫止有聲自空中來或遠或邇王命尋聲所自起愈
尋愈遙渡海而南得之於武林鏡湖之畔一僧端坐
招提靜宣貝葉擊魚按節使者請涉朝鮮以療世子

且曰其臂間湛然有佛無靈字佛之所賜而題識謂之無靈此何說歟僧曰異哉為爾往視渡海見王僧合掌作禮世子笑而受之僧曰世子吾師也吾師僧為比丘其先蓋輿夫也肩輿得金建剎湖上遂為釋吾欽其德為之徒乃師一年跛明年省三年為雷聲以死吾漢不平因濡筆題無靈字於其臂孰意其生於此歟王曰佛有靈矣因為建寺於其舊地顏曰高麗且進金塔以表奇因誌失載碑不存矣余記其略以貽主僧今寺惟無樑殿尚在案豈有尋聲而越重溟之理因高麗寺而傳會之也○趙孟頫所書有觀

音院記有曰元祐五年高麗王弟義天僧統渡海問
法提刑楊傑為館伴其所以不憚險遠而來者為佛
法也靖康兵火瀕洞知殿道言以像匿井中兵退象
尋大士不見忽瓦礫間剏然有聲發井得像其靈異
如此至於曰雨曰暘隨禱輒應或現或夢代不絕書
彙朝賜賞具有記錄矧聖朝重建補陀道場備極莊
嚴高麗相去差遠里巷間惟能誦東坡詩曰蠶欲老
麥半黃前山後山雨浪浪農夫輟耒女廢筐白衣仙
人坐高堂知有詩而未知有佛故國人莫之信奉也
三膺朝命來莅江浙因得詣天竺禮大士凡有懇祈

應如響答迹叨聖恩備員右轄復致禱焉取天竺事
畧觀之則知觀音菩薩神通廣大施無畏於衆生願
力弘深度有情於一切現三十二應月印千江化千
百億身水行大地無遠不屆有感必通世其歸依人
知信向獨高麗未有殿宇尚缺修崇謂宜刻木範金
塑像作繪捐金幣以建造出珠玉以莊嚴似望利益
羣生福歸聖上次及國土咸臻安樂謹述事跡本末
告于高麗衆相公願乞啓白國王特與建殿造像致
嚴崇奉庶幾佛法流通人知缺幸甚大德八年六月
日案大德元成宗辛卯即高麗忠烈王三十年甲辰

歲也

青莖館全書卷之六十

己巳秋典牲署
庫直吳俊恒書



青莊館全書卷之六十一

盜葉記目錄八

女服從華制

朱之璉

中原城制

東國諸姓

八駿十二駿

乾隆起居注

杜詩諺解

苦櫛

澄泥硯

聖賢後裔五經博士

文人画人壽天

吳百朋談藝

崇禎紀元後幾年

召公黃帝裔

拳画

慧通浚禪師

八股

鹿馬素青

狗國

夏國公明昇

靈珀

太乙紫金丹

咬咀

海東異蹟

綿蠻

茅杜二事

韻海鏡源

秦冢藏書

稽古名異錄

器物稱壽

笠當改造

笠為雨具

論諸笠

笠弊

校書

清劄

版木

書版當愛惜

苗

冊葉輕薄

青莊館全書卷之六十一



青莊館全書卷之六十一

完山 李德懋 懋官 著

蓋葉記八

男光葵 奉杲 編輯

朱之璉 德水 李晚秀 蕙隣 校訂

雍正二年諭朕近於聖祖所貽書笥中檢得
未經頒發上諭一道以明太祖崛起布衣統
一方夏經文緯武為漢唐宋諸君之所未及
其後嗣亦未有如前代荒淫暴虐亡國之跡
欲大廓成例訪其支派一人量授官職以奉
春秋陳薦仍世襲之朕伏讀之下仰見大度

深仁遠邁百王朕思史紀東樓詩歌白馬商
周以來無不推恩前代後世類多疑忌以致
歷代之君宗祀殄絕朕謹將上諭頒發爾等
訪求明太祖支派子姓一人量授職啣俾之
永襲但恐年代久遠或有姦徒假冒爾內閣
大學士會同廷臣詳明妥議欽此遵旨確訪
明代後嗣是日發出恭錄聖祖諭旨諭旨曰
朕於宮中詳覽前史每見開國之君必英姿偉畧
才識過人始能創造丕基奄有天下其謨謀經畫間
雖詳畧不同未有不期其子孫善克負荷以傳永久

迨其嗣君習於宴安墮墮先業或縱恣嗜慾或委任
匪人遂致綱紀廢弛滅絕宗祀其可悼歎明太祖天
授智勇崛起布衣經文緯武統一方夏凡其制度準
今酌古咸極周詳非但後世莫能逾六範圍即漢唐
宋諸君誠有所未及也及至末葉衰頽災荒疊見臣
工則門戶紛然盜賊則西北蠭起京師失守社稷傾
覆考其嗣主宗未有如前代荒淫暴虐亡國之跡蓋
亦氣數使然耶我朝殲逐逆寇入關定鼎明代諸陵
特設人員守護使不湮於荒烟蔓草者亦已逾不驚
典矣朕三經南巡皆詣明太祖陵親行奠酌更令嚴

禁樵牧歲加葺治緬惟明太祖曠代英雄超軼往昔
規模典章我朝尚多徵據豈可使其宗祀淪絕永守
無人今宜大廟成例訪其支派一人量授爵秩以奉
春秋陳薦仍世襲之庶可慰明太祖英靈於九原亦
以昭朕仁厚矜恤之懷使天下後世咸共曉焉爾內
閣大學士卽會同吏禮二部確議以聞欽遵聖祖遺
命議準明代後裔有鑲白旗見任直隸正定府知府
朱之璉乃明太祖第三子代簡王適派譜系明確已
奉旨授為一等侯爵世襲應仍令於本旗居住授爵
之後遣往江寧祭明太祖陵一次以禮部司官一人

齋祭文同往致祭祭文由翰林院撰擬祭品由該地方官備辦兵部給與勘合兵牌祭畢回京往昌平州祭明十二陵一次嗣後每年春秋二季於該旗都統處具呈前往昌平明陵致祭至遇應往江寧陵祭明太祖之處禮部屆期請旨令其前往應辦事宜均照初次例行

案朱之璉等六人引見授之璉一
等族其族內人丁準入正白旗

女服從華制

太宗朝王妃冠服自大明而來宮中不知被荷之術明昇母彭氏指教乃得知之世祖元年明使尹鳳齋誥命冕服來上遣宦官田昀問鳳曰中宮受

賜冠狹小又有簪如何穿著鳳曰梳髮後從頂後分
白左右髮交相結上作了髻將冠冒其上而仍挿簪
昀曰命服中寶鈿用之何處鳳曰其名禁步自兩肩
垂之於前欲節其行而不妄步也十年廣州牧使金
修上䟽言國家制作模擬華制獨婦女首飾服色尚
循古習竊念執饌婢子入朝還來尚在案世宗十一年中朝遣
內官尹鳳等選會做茶飯的婦女十五年又求理辦
膳事女子十七年遣內官李忠等送回本國婦女金
黑等五十三人蓋先年以會做其衣服皆在尚方請
茶飯隨選進女子等入京者也
令執饌婢與通事擇定醫女及妓教習首飾服色
命議于該曹近日朝家禁加髻此政女飾從華制

之好期會而猶用簇頭里北髻終涉荀簡

東國諸姓

正宗朝

今上十三年己酉修輿地檢漢城府帳籍諸姓余以

韻編次而貫鄉繁不能記○東姓十二洪馮公宮空甲

俗字書無甲字音作工弓童東充通○冬姓六龍鍾佟宗邕冬

○江姓三邦龐江○支姓十三池皮奇追箕知司施伊慈

茲丕節○微姓二韋非○魚姓八徐余魚諸餘廬於虛○

虞姓十四吳盧俞朱胡都蘇夫蘆虞于湖烏輸○齊姓四

齊奎鞞西○佳姓一柴○灰姓六崔裴梅槐來雷○真姓二十

姓陳申秦辛賓荀彬莘仁銀真春○文姓五文殷雲羣

芸○元

姓九

孫元門溫吞論袁恩敦○寒

姓八

韓潘安干

竿盤檀單○刪

姓二

班間○先

姓二十

玄田千宣甄

邊錢先遷延連燕堅專天竿年鮮蓮○莆

姓二

姚要○

肴○包

姓一

豪

姓四

曹高毛陶○歌

姓五

河羅多阿禾○麻

姓四車花麻沙○陽

姓二十

張黃姜方梁楊倉昌王康強

唐章房陽嘗相莊良羌長襄商菖皇蒼○庚

姓九

明成

程平彭貞庚荊京○青

姓六

靈丁邢廷青星○蒸

姓十

承

勝僧昇曾應冰升弘能○九

姓八

劉周秋牟仇丘由矛

○侵

姓九

金任林陰琴尋禁深壬○覃

姓一

甘○鹽

姓四

廉

嚴閻占○咸

姓三

南凡咸○董

姓二

董孔○腫

姓一

奉○紙

李史水起使仕○語姓二許呂○虞姓八禹魯扈杜庾

午豎武○薺姓三啓米禮○賄姓四乃采每海○軫姓二閔

尹○阮姓一飯○旱姓一憚○潛姓二簡板○銑姓四扁善軟

件○篠姓二趙表○皓姓二好老○架姓一果○馬姓四馬舍

也俗音夏○養姓四蔣仰浪廣○梗姓四景井秉永○有

柳守阜○寢姓一沈○琰姓一奄○賺姓二范範○送姓四

貢鳳瓮凍○宋姓一宋○寘姓七智季異泗自穗遂○未

魏○御姓二弥字書無弥字楚○遇姓六具路遇素庫

度○霽姓五芮桂契衛裔○泰姓五太艾蔡泰柰○卦姓一

介○隊姓一萊○震姓八印晉舜慎震順俊信○願姓三頓

萬憲○翰姓四殷判炭漢○霰姓二卞尼○嘯姓三邵召肖

○号姓一號○箇姓一佐○禡姓四賈夜化價○漾姓五尚將

唱旺壯○敬姓四鄭慶孟正○宥姓三后富句○豔姓一念

○屋姓八陸睦卜鞠伏復木獨○沃姓三玉燭雋○覺姓四

朴卓濯學○質姓二吉弼○物姓一鬱○月姓三曰骨叢○

曷姓一葛○胥姓五薛皮楔靈招○藥姓四郭霍雀鶴○陌

姓四白石昔釋○錫姓二喬風古反音作囿狄○賊姓四国墨直

稷○緝姓一葉姓二葉業○複姓七東方司空西門鮮

于皇甫南宮獨孤○輿地勝覽較今帳籍加錄者另

載于下可驗氏姓古今有無之不同○東姓二翁蒙○

支姓一時○虞姓三珠瞿吾○齊姓二嵇堤○灰姓一苔○元

姓二藩原○寒姓二桓端○先姓二負竊○蕭姓一標○歌姓三

那何和○麻姓二華瓜○陽姓六庄揚萇凉芳桑○庚姓二

榮卿○青姓一刑○蒸姓二登乘○尤姓一○侵姓一○麋姓三

甫斧伍○皓姓一草○梗姓一耿○有姓一部○宋姓一種○

寘姓一位○遇姓三傳固附○嘯姓一尿○徑姓一甯○宥姓一

祐○陷姓一汎○屋姓三六郁谷○沃姓二曲綠○質姓三畢

律寶○物姓一物○月姓一碣○脣姓一別○藥姓二澤拓○

陌姓六席栢尾益冊赫○錫姓一翟○職姓四翌則力克○

緝姓一入○複姓二司馬令狐○陶谷叢說李賀撰載二

百九十八姓而間有帳籍勝覽所未錄者今抄記○
東^{姓一}○^{姓一}冬^{姓一}龔○江^{姓一}雙○支^{姓二}思彌○灰^{姓二}台
才○歌^{姓一}牙○紙^{姓一}几○有^{姓一}壽○葉^{姓一}霸○複^姓
姓^二扶餘石抹○已上帳籍四百七姓勝覽七十九姓
叢說十三姓

中原城制

燕京內城下石上甃共高三丈五尺五寸堞高五尺
八寸趾厚六丈二尺頂濶五丈外城下石上甃共高
二丈堞高四尺趾厚二丈頂濶一丈四尺雍正八年
覆準內外城牆除土心之外舊趾濶五六尺頂濶三

四五尺不等今議以趾濶六尺頂濶四尺著為定例
城頂海漫堅筭灰土鋪墊平坦毋使積水

乾隆起居注

白華藁

吳省欽著

進乾隆四十二年記起居注後跋曰編字

義而觸聖名廟諱則立正常刑而故縱者宜彰厥譴
朝鮮有逆黨潛逃諭大吏時加察訪案編字義云云
者有王錫侯者撰字貫直書康熙御諱不回避不缺
画被極刑朝鮮有逆黨云云我國丙申討逆後依例
陳奏也

八駿十二駿

我朝

太祖開國時所御駿馬有八一日橫雲鶻產女真二
曰遊麟青產咸興三日追風烏產女真四曰發電赭
產安邊五曰龍騰紫產端川六曰凝霜白產濟州七
曰獅子黃產江華八曰玄豹產咸興 世宗命護軍
安堅圖其形集賢學士成三問等作贊 肅宗御製
贊 世祖九年書下龍潛時所御馬十二倣唐家故
事圖而傳之一曰靖世驃二曰流霞騶三曰梨花驪
四曰玉英虬五曰凌空鵠六曰逐風駒七曰籊雲螭
八曰騰霧豹九曰軼驚鴻十曰翼飛龍十一曰戴芳
麟十二曰照夜驥

苦櫨

和漢三才圖會

日本良安尚順撰

苦櫨子

俗云加之堅字訓中零也

其木

堅剛故今俗多用櫨字

猶以繼字為加豆強也

其花狀如栗花

而短黃褐色長一寸許有白櫨赤櫨二種而白櫨葉

稍小背淡白木理細密堪為秤衡槍柄及棒杖出於

肥州天草者最佳赤櫨以為櫓櫂車軸及鋤柄日向

之產理密而佳薩州之產次之一名櫨

音江和名唐訓加之

韻萬年木字鋤柄也此是我國所謂加時木日本稱

加之音相轉也已酉歲編次武藝圖譜通志時偶漏

此段只錄本州綱目櫨木

杜詩諺解

成化十七年 成宗命弘文典翰柳允謙等廣撫杜詩諸註逐節略疏又以諺語譯其意旨凡二十三卷修撰曹梅溪偉序之崇禎五年吳天坡翻為嶺南監司再刻而新豐君張谿谷維序之以東方僻陋之言解杜氏遠奧之詩其名物音韻牴牾不相入固其勢也然今距數百年可徵方言之頓變此則亦足為文獻之一助也

聖賢後裔五經博士

順治元年顏魯思孟仲後裔世襲五經博士九年南

宗孔氏世襲五經博士十二年朱子後裔五經博士
於婺源原籍崇祀世襲康熙元年程伯子叔子後裔
授五經博士奉祀祠廟二十四年元聖後裔東野氏
周子後裔授五經博士二十六年張子後裔授五經
博士二十九年朱子後裔於崇安縣奉祀授世襲五
經博士與婺源縣同三十八年閔子端木子後裔授
五經博士四十一年邵子後裔世襲五經博士五十
一年授言子後裔五經博士五十九年卜子後裔授
五經博士六十年冉有後裔授五經博士雍正二年
冉雍冉耕顯孫子有子後裔增置五經博士乾隆十

六年諭妣氏子孫世居禹陵側應世予八品官選如
恒甸授官此皆當行之典禮而至若康熙二十四年
關公後裔亦襲五經博士即禮之汰者也乾隆十二
年覆準江西張氏世居龍虎山真人名號非朝官卿
尹之稱存其舊名正所以別於流品前因無案可稽
兩遇覃恩加至光祿大夫封及三代邀榮逾分理應
更正至正一真人有統率龍虎山上清宮道衆之責
視提點演法稍優按太醫院使秩正五品醫巫類本
相等應將正一真人亦授為正五品至於朝覲筵燕
未便令道流廁身其間應請一槩停止此則雖不得

革罷猶愈於尊崇之無謂也

澄泥硯

言鯖

呂種玉著

載澄泥硯法以夾布囊盛堽泥水中擺之

得細者澄去清水令微乾八黃丹飛過加胡桃油摻
搜如麪入模中壓令至堅微蔭乾利刀琢成曝乾厚
以稻州并黃牛糞和燒一伏時然後入墨蠟貯米醋
蒸之五七度含津益墨不下於石案古瓦皆用胡桃
油拌均故堪為硯材惟漢瓦為然如蜚廉館瓦灌嬰
廟瓦皆已經為硯者也世以鄴城古瓦即曹操銅雀
臺所覆而崔後渠銑作硯辨以為魏之宮室焚蕩於

汲冢之亂趙燕以後迭興代毀何有於瓦礫北齊起
鄴南城以黃丹鉛錫和泥為瓦歲久而錫花乃見其
紀年非天保則興和蓋東魏北齊也王漁洋士禎引
老學叢談云銅雀瓦皆陽字紀建安十三年造據此
說則後渠辨甚透銅雀雖毀其瓦則可以久傳

吳百朋談藝

吳百朋錦雯曰腦中無十三經廿一史而侈口言古
文辭天下無古文辭也腦中未能貫串三百篇楚詞
漢魏六朝三唐宋金元明大家有韻之言而侈口言
詩天下無詩也腦中有十三經廿一史矣能博覽三

百篇楚詞漢魏六朝三唐宋金元明有韻之言矣而
天姿不敏慧心不開遇物不能名登高不能賦生吞
活剥影寫古人語如王弼州李滄溟剽竊左國史漢
以為古文辭與詩也左丘明不襲六經司馬遷不襲
丘明班固不襲子長沈休文自成宋書姚思廉自成
梁陳書此是後世談藝之旨訣故今錄之

文人画人夭壽

謝肇淛曰思慮多則心火上炎火炎則腎水下涸心
腎不交人理絕矣故文人多無子亦多不壽職是故
也董其昌曰画之道所謂宇宙在乎手者眼前無非

生機故其人往往多壽此兩言未必盡然而理或不
誣然文若渾厚可得延壽画若細巧亦或致夭俗諺
曰木工一生窮治叟畢竟富此言其命數應乎術業
木工以其截削也治叟以其敷衍也

召公黃帝裔

史記召公奭與周同姓姓姬氏古史考召公奭周之
支族帝王世紀召公文王庶子尚書正義左傳富辰
言文王之子一十六國無名奭者則召公必非文王
之子經典釋文黃帝姓姬君奭其後也朱竹垞彝尊
曰召公所出衆說紛綸當以陸德明為是蓋樂記所

云封黃帝之後于薊者即召公也

崇禎紀元後幾年

東國文字或書崇禎紀元後幾年中國人亦有行之

者金石文字記

顧炎武撰

華嶽廟賈竦詩在華嶽碑之左

苟此碑前後空處為宋人題名甚多近代人踵刻者
尚未止有一題曰崇禎廿七年後辛丑和州逸人戴
迢孝再登嶽

慧通浚禪師

余既前錄高麗王子義天事今又載一段毛奇齡作
慧通浚禪師塔誌曰康熙三十年予送慈聖賢禪師

入高麗寺上堂說法爾時士民皆言師得法高麗其
本師授法者尚在方丈至浴堂見老衲擁鑪被壞絮
從者指之曰此老禪師也嘗考高麗本禪宗天成二
年吳越忠武王宗弼茲剌勅名慧因至宋神宗朝有
晉水法師者傳馬鳴大士之教疏擇華嚴諸經義流
傳人間致高麗國王世子航海來朝乞畱侍沙門以
受師法而于是高麗稱焉至于今其所存法派自高
麗而後已十七傳矣其在神宗朝左丞蒲宗孟撫杭
有以慧目易高麗以禪易教之疏奏請勒石而其後
宗教間出傳燈錄所稱懷祥義寧者即禪宗也

拏画

香祖筆記

王士禛撰

鈕王樵云有王秋山者工為拏画凡

人物樓臺山水花木皆于紙上用指甲及細針拏出

設色濃淡布境淺深一法古名画案拏當作夙音築

字書以手拏物也近閩中有織画乃破紙為條織成

之分柑餘話

王士禛撰

閩中紙織画山水花卉翎毛皆工

設色亦佳或言近日始初為之余案留青日札嘉靖

中没入嚴嵩家貲有刻絲袖紗紙織等画之名則其

來久矣頃年余亦於洪湛軒大容家見紙織山水障

細織如藤簞無毫髮憾

鹿馬素青

趙高指鹿為馬見於史非惟此事為變亂之資又有一段禮記或素或青注變白黑言素青者秦趙高欲作亂或以青為黑黑為黃民言從之至今語猶存也今卽漢時也

八股

八股之體或云起於宋或云起於元或云起於明今錄其說邵長蘅曰八股之學始於安石論者謂宋之人才初壞於紹聖大壞於崇觀皆安石之流禍也明制三年一取士與今同而額倍之每歲舉於鄉者幾

二千人舉於禮部者三四百人通計二百八十年間
所取不下二十三萬人而其所謂才者不得百一而
況中葉以後苞苴鑽營門戶水火明之天下蓋皆千
百輩八股之穿蠹而破碎之也

案近世戲場潘庭筠言甲申年攝政王八

燕京大內得一小紙書曰謹具萬里江山文八股拜

毛奇齡曰陸邦烈言自

元仁宗朝初立八股用朱子書取士勒為功令而明
文皇帝一遵元式且造大全一書以曲護其說嗣此
四書無本文且無舊注即宋儒別說亦槩從屏却以
歸于一門然元制八股其初立程式于後股原經後
原有結尾一項明朝所云大結者許自出己意駁正

房似榜

兩時字似詩

傳註故崇禎壬午癸未當科場終年尚有浙墨君子
務本二句題其結尾謂孝弟是仁本仁不是孝弟本
而癸未房書黃淳耀文于管仲非仁者章結言子糾
是兄小白是弟朱子錯而孔子不錯稍為聖門辨究
今則結尾既廢而高頭講章復曲體集註刻硯鏤象
使毫髮不失于是大中論孟有傳而無經有儒說而
無聖人之說顧炎武曰經義之文流俗謂之八股蓋
始於成化以後股者對偶之名也吳省欽曰詩賦者
唐宋之時文經疑經義元明以來之時文以經義異
同詔諸儒講義自漢宣帝章帝始也以論語孟子大

學中庸為四書自宋朱子始也以四書發題試士初

八比格曰破題接題小講大講後講考經結尾

案本文只

是七格落一格名曰書義自元仁宗始也

夏國公明昇

明氏家乘引松都志 太祖朝有旨賜明昇華蜀君

陳理平漢君職祿又有一段家乘未及引今錄之嘗

攷一書 成宗六年教曰舊賜夏國公明昇田十結

參議平原海田二十結其限代盡仍結戶曹云案夏

國公未知何時所封當俟後攷明紀事本末蜀地悉

平蜀主至京師封歸義侯居第京師已而投于高麗

又案平原海倭人也明氏家乘詳載余所撰寒竹堂
涉筆

狗國

狗國真有地方故天星亦有狗國之名陷虜記

胡嶠撰

契丹國東至于海有鐵甸東女真又東南渤海又東
遼國皆與契丹畧同又南奚奚與契丹畧同又南至
于榆關西南至儒州西則突厥回紇西北至嫺厥律
又其西轄戛又其北單于突厥又北黑車子又北牛
蹄突厥東北至韃靼子其人髦首披布為衣不鞍而
騎大弓長箭遇人殺而生食契丹等國皆畏之其國

三面皆室韋一曰室韋二曰黃頭室韋三曰獸室韋
其地多銅鐵金銀其人工巧善織毛錦地尤寒馬溺
至地成冰堆又北狗國人身狗首長毛不衣手搏猛
獸語為犬噪其妻皆人能漢語生男為狗女為人穴
居食生而妻女人食嘗有中國人至其國其妻憐之
使逃歸與其筋十餘隻教其每走十餘里遺一筋狗
夫追之見其家物必銜之而歸則不能追矣契丹嘗
選百里馬二十匹遣十人齎乾餼北行窮其所見其
人自黑車子歷牛蹄國以北行一年經四十三城居
人多以木皮為屋至三十三城得一人能鐵甸語云

地名頡利烏于邪堰自此以北龍蛇猛獸魑魅羣行

不可往矣其人乃還此北荒之極也

隋書記歐陽脩引入五代史可

知其言滇黔紀遊

陳鼎撰

金沙江兩岸皆白沙佛書所

謂恒河沙即此也上流即狗頭國今年大水漂一狗

頭人至岸上下衣服同中國口耳眉目皆狗也逾日

得土氣狗人復生問其言答之如狗吠與之飲食大

嚼也土官解來大理軍門府因得寓目後軍門命土

官解還原處解人行一百二十餘日始抵其國國無

城郭有宮室國王朱冠皂履跨白馬佩刀官吏皆如

之服食起居中國同也潛谷筆談

金堉撰

清譯金希三

道人也嘗言胡人入海漂到一島島中人有美女無
數浮於水上只露其面追捕三女而還大狗成羣追
吠而來皆雄狗也其面如猿狖然欲噬遂捨其二女
羣狗退去只取一女而還飼之不食衣之不著不久
而死希三親聞胡言如此心史鄭思肖撰回回挾塔利狗
國等出攻韃西北甚得利

太乙紫金丹

神仙太乙紫金丹一名紫金錠一名萬病解毒丹醫

學入門

李梴撰

紋蛤去蟲土三兩

臞仙

活人心方一名

山茨菰去皮焙二兩

武備志作山茨菰○劉氏經驗方南北處處有之俗名金燈籠

葉似韭花似燈籠色白上有黑點結子三稜二月開
花三月結子四月初苗枯即墜地得之遲則苗腐爛

難尋矣與有毒老鴉蒜極相類但蒜無毛山茨菰有
毛包裏宜辨去皮洗淨焙○東醫寶鑑山茨菰同

制早吳○俗又名阿早吳紅芽大戟洗焙一兩半劉
即野茨菰早吳之類也

經驗方杭州紫大戟為上江南土大戟次之去蘆頭
洗極淨焙乾一兩半北方綿大戟色白者大峻利反

能傷人弱人服續隨子去皮油一兩劉氏經驗方子
有吐血者慎之

子去殼揀色白者用紙包裹搜器研敷麝香三錢劉
十次去盡油以色白再研紙無油成霜

經驗方揀盡白右為末糯米粥和勻搗千餘杵劉氏
毛皮殼細研

方攪和數百次極勻仍重羅一兩遍方用糯米每一
濃飲調和於木臼內杵數千下極光潤為度

料分作四十錠每服半錠重者一錠并用薄荷湯化

下
臞仙活人心方研生薑薄荷汁并葦水研服乾薄
荷濃煎湯冷磨服亦佳通利一兩行無方只用溫

粥止修合時宜端午七夕重陽日或遇天德月德日

劉氏經驗方黃道上吉日在淨室焚香齊戒勿令婦人孝服人鷄

犬見之治蠱毒挑生毒狐狸鼠莽惡菌河豚死牛馬

肉毒山嵐瘴氣毒諸藥金石草木鳥獸百蟲一切諸

毒劉氏經驗方製十數萬錠濟人奇效不可盡述凡居家出入興

大工動大兵及闖廣雲貴仕宦行兵尤不可無諸毒

并用凉水磨服靈毒瘡癰才覺意思不快即磨服一

錠或吐或利自縊落水鬼迷驚死心頭溫者并冷水

磨灌即醒蛇犬諸惡蟲傷以酒化服水磨塗傷處劉氏

經驗方癰疽發背對口天蛇頭無名疔腫楊梅等一

切惡瘡諸風隱疹未破時及痔瘡并用無灰淡

酒磨服及用凉水調塗瘡上日夜各敷次覺痒立消

已潰出膿血者亦減分數陰陽二毒傷寒心悶狂言

亂語一腦癰滯邪毒未發及瘰癧喉閉纏喉風冷水
薄荷一小葉研下心氣痛并諸氣用淡酒或淡薑湯
磨服赤白痢疾泄瀉肚腹急痛霍亂及絞腸痧等症
諸痰症并用薄荷湯磨服男子婦人急中顛邪喝叫
亂走兇交兇胎兇氣狂亂失心羊兒猪顛等風中風
中氣口眼歪斜牙關緊急語言蹇澀筋脉攣縮骨節
風腫手脚腰腿週身疼痛行步艱辛諸風諸癰并用
煖無灰酒下久近瘡疾臨發時東流水煎桃柳枝湯
磨下小兒急慢驚風五疳五痢脾病黃腫癰瘡瘡痛
并用蜜水薄荷小葉同磨下及擦量兒大小一圓作
二三服牙痛酒磨塗及含藥少許良久吞下湯火傷
東流水磨塗傷處打撲傷損炒松節無灰酒下年深
日近頭疼太陽疼用酒入於傳下研爛磨紙花貼太陽
灰上諸蠱腫脹大麥芽煎湯下婦人爛磨紙花貼太陽
紅花煎湯下有孕婦人不可服一家患傳屍癰兄弟
五人已死者三方士令服此藥遂各進一錠一下惡
物如濃狀一下死蟲如蟻形俱獲生一女子久患癰
瘰為尸蟲所噬磨一錠服之一時吐下小蟲十餘條
後服蘇合丸半月遂如常藥品雖不言補羸瘦人服
之并効誠濟世衛生之寶也山茨菰千金子皆有子

亦可種仁入君子合以濟人陰功不小牛馬六畜藏毒
 以此救之一方加牛黃明透如石榴子者二錢
 試治諸王樞丹一名追毒丹治病服法同上即紫金
 磨極効丹加入雄黃一兩朱砂五錢製法同上案紫金錠藥
 料不是稀貴功用極其利益我國亦知劑合而瘡亂
 研服毒腫磨塗玉樞丹則絡於小兒白冒而已今畧
 考諸方合為一通以備廣用云爾

靈珀

嘗見珊瑚中有側栢葉青翠可愛透見于外蓋玉石
 之類俱是濃軟之物當初濃軟有物寓入仍成凝結
 玉在璞中氤氲如烟如酥斲璞則即化硬塊不是異

事靈珀一名物象珀

雷公云物象珀其內自有物命動

珀內之花遇

冬至卽長蕊至五月間開足夏至後以次消落近仲冬卽無所見珀非玉石之類而其中花蕊衰盛有期此稀有之異物花非自外而入乃是自生者也皇集中載靈珀賦

海東異蹟

洪長洲萬宗輯東方靈異之蹟名曰海東異蹟凡三十八人檀君赫居世東明王四仙玉寶高金蘇二仙大世仇漆昂始金可記崔致遠姜邯贊權真人金時習洪裕孫鄭鵬丁壽崑鄭希良南越智異山人徐敬

德鄭礪田禹治尹君平漢拏仙翁南師古朴枝華李
之菡寒溪老僧柳亨進張漢雄南海仙人蔣生郭再
祐鄭東溟換序

咬咀

政和本艸序例凡湯酒膏藥舊方皆云咬咀者謂秤
量擣之如大豆又使吹去細末此不允當今皆細切
之唐本艸云咬咀正謂商量斟酌之掌禹錫以為咬
咀卽細切之義非商量斟酌也廣韻咬咀嚼也本艸
綱目註李杲曰咬咀古制也古無刀以口咬細如麻
豆煎之寇宗奭曰咬咀有含味之義如人以口齧咀

古方言咬咀此義也案咀嚼是正義後世器用俱備
不必咀嚼代以細切次第事也

茅杜二事

朱彝尊曰世傳唐宋八大家之目係鹿門茅氏所定
非也臨海朱伯賢定之於前彼云六家者合三蘇為
一爾今文抄本大約出於王道思唐應德所甄錄茅
氏饒於貲遂開雕以行卽其評語稱關壯繆為漢壽
亭不亦刺謬甚歟文旣卑卑詩亦庸鈍觀其酬酢於
醫卜星相之流知非意所存也李紱曰昔子元冒向
秀之書延清攘希夷之句昔賢比之竊盜而志其冥

謹陶周望為徐文長蜜棄其文於敗烟灰黑中不一
引手君子徃徃恨之蓋千古文人生於間氣不幸有
才無命齎志以沒惟恃此區區心血所結撰之物以
留其名於後以慰其苦心而瞑其目一朝屬之他人
棄諸無用使其魂魄私恨無窮則不得不致罪於郭
宋諸人也南昌杜登聖先生錄安雅一集多収不得
志者之文至比於焚暴骸哺棄兒其言至痛僕讀而
悲之嘗與二三同志太息謂有力者宜任焉讀此二
段足令文人一懲一勸

綿蠻

下綿蠻似行

詩小雅綿蠻黃鳥註綿蠻鳥聲古歌謠許由箕山歌
河水流芳緣高山甘瓜施芳葉綿蠻此以瓜蔓之葉
盛為綿蠻也以綿蠻為黃鳥聲者非謂黃鳥之聲綿
蠻綿蠻如鴈之嗈嗈雞之喈喈雉之角角鵲之查查
直象其音也綿蠻者只喻其音連續不絕之貌

秦冢藏書

皇覽

劉劭撰

冢墓記云漢明帝時公卿大夫諸儒八十

餘人論五經誤失符節令宋元上言秦昭王與呂不
韋好書皆以書葬王至尊不韋久貴冢皆以黃腸題
湊處地高燥未壞臣願發昭王不韋冢視未燒詩書

而似以

王應麟曰漢儒欲數冢以求詩書其陋至此胡應麟曰使漢之人主能用此言數二冢以求遺經而改葬之俾先王典籍日揭于煨燼之後奚而不可當時二冢必存無恙故以為言亦可見先秦之世有以書為殉者至晉而襄冢竹書竟出惜當時不能用云

韻海鏡源

唐大曆七年顏真卿與李萼陸羽僧皎然等著韻海鏡源三百六十卷今不傳釋皎然詩有奉陪顏使君修韻海畢東溪泛舟餞諸文士諸侯崇魯學羔鴈日成羣外史刊新韻中即定古文

註魯公著書依切韻起東字脚皆列左

菁華無百氏縑素備三墳國語思開物王言欲致君
研精業已就歡宴惜應分獨望西山去將身寄白雲
審其詩義則似是韻府羣玉五車韻瑞之鼻祖耳

器物稱壽

考工記犀甲壽百年兕甲壽二百年合甲壽三百年
唐志席壽三年氈壽五年褥壽七年王弼州曰画壽
五百年書壽八百年

稽古名異錄

施尚白閨章撰稽古名異錄序曰禹航孫海門輯名
異錄蓋取上古以來史傳所載名氏謚號岐異疊見

者萃為一書前人有同名錄有同姓名錄不過綜其所同如兩丘明兩秋胡之類近代陳士元心叔綱羅邃古拾其名氏參錯踏駁者謂之名疑較稱博奧先生又雜采荒史竹書外傳緯書路史諸書怪異百出補所未備間及軼事辨闕誤如倉頡之非史官皋陶之漁雷澤瞽瞍一作瞽機人但知頑也不知其能作十二絃之瑟兔文王於羗里之難者人但知散宜生不知又有陰競也他如此類不可勝數著有孔氏全書孟子外紀四書編年案昭陽李清映碧取二十一史中有名無姓有姓無名無字有姓字無名者各為

分類總為一書又案樞李陳無功撰庶物異名疏凡二千四百五十有二則此皆有補經史不可以識小斥之

笠為雨具

笠農人雨具也我國人四禮及大小貴賤無不戴不惟不雨而戴之之甚無謂也或云東方人善鬪故箕子來東製大笠長袖使民不得便身以止其鬪此齊東之言也李氏儻說以為古弁遺制此亦非也弁如紅姑娘故紅姑娘一名皮弁草今之笠頂平而簷廣鳥睹所謂弁也哉古者以草結笠禦雨而已

笠當改造

今之笠制轉益高廣戴之沒無雅致不可入畫諺曰
笠太寬項羽孱笠破敗學者悖 朝家下令一坊禁
之別製冠巾頒之以定等威只製小笠騎者步者野
行時戴之以為禦雨遮陽之具可也其制大帽受額
帽頂不必若今笠之平若割截亦不必尖如氈笠但
微殺頂圍使之不稜簷可布帛尺二寸五分纓廣而
不必長觀平壤武烈祠李如栢畫像可知也 且此其
樣云

笠弊

笠之為弊不可勝言津船遇風飽逆船橫矮室急起
帽圍挫額窄槃共食簷圍彈目稠人觀場短簿悶絕
此猶細事至若野行風雨帽狹簷廣紙套硬直風入
其間鼓作霹靂笠在頂上四方遊移兩纓絙急欲絕
未絕頤耳俱皺髻鬚欲拔油衣如裙係頂藏手方其
雨打風掠飛揚不定不得不洩紐出手左右扶笠水
入廣袖重不可舉馬又顛蹶何手執轡不暇愧其失
容死生迫在呼吸此皆帽狹不受額簷廣恰飽風之
故也嘗見女真人馬上逢急雨悠著油衣有袖有袵
又冒帽套柔若幅巾鞭馬而馳豈不愜活又今笠製

作脆弱帽簷之際膠爛則陷譯官入燕遼野遇雨簷
壞脫棄只戴帽子中國人以為東俗亦有此冠看若
尋常同行之人莫不嘲笑而何處可買每見野中行
人遇雨無套者恐其陷壞取草為經緝于帽根亦有
脫笠腋挾一手掩髻拂拂而奔蓋一笠之直至三四
百故護笠如護性命其窘遁苟且一至此極至若草
笠製樣極恠少年上頭胥吏起復一坊着之言云無
別此何禮節且其密不漏風額不可支不得不甘心
解纓謹獻風伯飛如紙鳶杳不知其止泊至於年舊
垂肩尤益可憎且工深而直騰痛禁可也大抵懶惰

之習教慢之容皆從笠起豈以舊俗而因循不禁可乎

論諸笠

平涼子是乞丐之笠尤當改其制樣稍大其帽不平不尖快剪其簷不搖不翻或漆或染畧加文飾則可免寒乞底氣像足為鄉人通行之服簾笠△如日本雨笠不見天日只可用於農夫田作之日平時戴而入城者嚴禁可也只許僧尼戴之草笠亦改其制樣以脩野居之服可也方笠△是金人之服麗末宰相戴之我朝中葉胥吏戴之今則為喪人所著其製

尤為恠駭東國喪服粗具禮制而頭著虜笠不可不
改正者也以竹結大帽短簷野笠戴之可也中原野
笠以草莖結辮旋旋回回積累為之低帽短簷帽根
飾以黑絛野居暑月所著綽有雅致中國胡服以後
士大夫心惡紅帽家居著此笠往往畫像用此笠帶
經堂集王士禎畫像官至大司寇而著此笠稍高大
究其本意亦云憾矣嘗見玉田縣江姓老人士夫也
戴野笠著野繭黃紬衣曳杖抱書而來宛是畫中人
猶賢於紅兜黑褂也中原僧笠最濶大彷彿如東笠
衣是我國道袍但色緇而領末方耳洪湛軒大容遊

燕道袍革帶着笠而行人皆指點為乞僧自稱禮義之服只博乞僧之名寧不慨歎回子笠錦作表裡大如東笠而但左右簷向上而捲如未展之蓴菜葉蒙古笠亦如東笠稍低小堅硬金漆彩畫花草可為軍裝東國氍笠古者惟軍漢着之故亦名戰笠齊民只着平涼子自丙丁亂後為軍民通行之笠帽較布笠尤小而尖近則簷漸廣濶與布笠無異流弊極矣且通四時長着殊非冬裘夏葛順時令之義夏月氍笠冬天紙扇可謂的對自廟堂出令使庶民春夏着繩結竹結狀如中國之野笠秋冬着氍笠亦大帽短簷

恰冒其額可也此箇法條甚易易衆議紛紛因循而止倭亂時天兵絡繹每指笑東國服飾之冗長廟堂議行華制送人天將營中製衣作樣且禁着笠民人難於變俗在家必着笠出門畏禁不敢着猶狹笠而行後復因循姑不禁當此好期會而不得變可謂末如之何戎服中馬尾猪毛笠虎鬚翠羽等飾尤可改正者也別頒冠巾及行大帽短簷之笠則頭禿者先受其效

清劄

中國以宋劄書本為寶以其刻法書法俱入精妙也

明無善劂不足愛今清劂取法宋劂字體清妍出於
歐率更儘為至寶我國鑄字大者衛夫人體時帶草
氣然勻調可用小者正韻體瘦仄不整至於版本寫
字官雖稍楷整專沒書卷氣衛夫人字藏于芸閣者
及新鑄衛夫人字藏于內閣者大字書籍以此印
之可無不足之慮內閣復議鑄小字而未定以愚
所見印書有大中小三等今可鑄中小二等字中等
用淵鑑類函字小等用全唐詩字割取精鑄以為活字
且擇年少有才的寫字官習摸此二種書法則書籍
之精妙似不讓於中國今我聖上建奎章閣稽

古右文祖述 世宗前年余與成校理大中同監董
御定八子百選活字本今年又與監董 國朝寶鑑
刊本刻工摺工句工多有精深者在上而指教者若
如朴堧蔣英窠則一變之期可指日矣

校書

刊書之精專在校書之良校書之官當極擇博洽精
敏沉靜勤勵真有嗜書之癖者委任之不具此四德
者事不濟矣書籍迺千古不朽之盛事談何容易豈
可付之魯莽鈍滯躁擾懶惰厭薄文學之流誤了大
業耶書葉中絲左畔之下必刻臣某校此四庫全書

之良法也

書版當愛惜

書籍一版之刻為百代之利萬人之益此天下至寶也校書館書版元無度閣之制積置於敗屋兩端冒格脫棄親地處腐濕且其刷搨之墨松煤麝惡半雜灰沙浸以塵埃之水澆置惡石粗搗畧磨極力刷塗銅字亦泐何論脆木一經濕刷散置烈陽翻張竣圻前功可惜慶尚監營多書版甚至列置泥庭以承沾足可謂水火以外一大厄也海印寺佛經版插架井井可以為法校書館亦用此法可也至若刷墨用精

墨精硯或用墨末調脂仿印色法可也

版木

書版之材中國用紅梨木倭人用樺木我國用杪木
不必專用杪木兼用紅梨與樺木以廣其用烹以鹽
水待其乾燥始刻字若有濕氣則刻字後始乾所刻
絲欄與字縮小衆葉參差不齊監董國朝寶鑑刻
版時方覺此理

冊葉輕薄

冊葉不厭其輕薄國俗以廣大厚重為好品然則因
用古之竹簡木札何所取於紙之便捷哉貼紙綱目

一馬難載綿紙七經窄室難容一卷之大童子難舉
以其卷重故不敢作函無函故易失朝才裝潢而夕
為藥囊昨始藏弃而今作壁褙其為書厄何可勝言
大繩如絃五孔穿縛兩夾糊傳其堅如革以為累世
之計而墨澆油污破壞難久人有恒言唐冊易裂嘗
見中原童子敬對書帙上論下論上孟下孟朝夕披
讀而書葉如新童子如此長者可知只係人之精粗
不在書之厚薄也另出冊紙尺樣分大中小三品頒
予產紙之鄉造紙之匠務其至薄至白然後搨書則
無蹄紙太廣之弊蹄紙者冊三方之所截也利歸於

冊工可謂暴殄天物且製樣大故斤兩重斤兩重故
價本高價本高故搨印不廣搨印不廣故藏棄不易
况濟之以無嗜書之癖罕勤讀之士也哉

茵

緊似堅

茵與額繅同東國俗名於作為禮書所謂無葛之鄉
用額者也我國處處有之而不知為民生有用之物
中國日用大小繩索皆是物也緊勒雖少遜於熟麻
而白如馬尾能耐濕潔精可愛中國人作室茵毳調
以油灰厚塗屋柱候其乾以礪石磨治以布纏貼以
硃塗刷雖年舊而雨霖日炙不竣不腐又用茵毳糊

調若氈長廣可半丈縣于壁履弊則割取積疊補底
又按醫書巨勝子莖葉紫皮與此符合無乃此物為
巨勝而世所謂荏子非巨勝耶茵紫玄而粘多種之
則亦可救荒為州縣者可飭民種于籬落田間其利
不訾

青莊館全書卷之六十一

己巳秋典牲署
庫直吳俊恒書





